

- 1) nefritis akutni, cistopielitis akutni, pijelonefritis akutni,
- 2) parenhimatozna oštećenja bubrega,
- 3) bubrežna insuficijencija,
- e) neuropsihijatrijska oboljenja koja uključuju:
 - 1) organski psihosindrom,
 - 2) promjena ličnosti usljed atrofije mozga,
- f) ginekološka oboljenja koja uključuju:
 - 1) aciklična genitalna krvarenja,
- g) oboljenja lokomotornog aparata koja uključuju:
 - 1) akutizacija reumatoidnog artritisa,
 - 2) definitivna ankiloza, osim ukoliko je operisan drugi zglob,
 - 3) oboljenja metabolizma sa promjenama u zglobovima,
- h) endokrini i druga oboljenja koja uključuju:
 - 1) dekompenzirane forme dijabetesa,
 - 2) kasne komplikacije dijabetesa,
 - 3) maligna oboljenja krvi,
 - 4) ulcus cruris.
- (3) Ukoliko je podnosilac zahtjeva kardiovaskularni, respiratorni, nefrološki, gastrointestinalni, neuropsihijatrijski i ginekološki pacijent neophodno je u medicinskoj dokumentaciji dostaviti nalaz date specijalnosti ili subspecijalnosti sa naznakom da ne postoji kontraindikacija za obavljanje balneofizikalnog tretmana ili potvrdu nadležnog porodičnog ljekara da se ne liječi od oboljenja navedenih u kontraindikacionom polju liječenja.
- (4) Izbor banjškog lječilišta Ministarstvo vrši u skladu sa propisima iz oblasti javnih nabavki.

DIO III - NAČIN I POSTUPAK OSTVARIVANJA PRAVA NA KLIMATSKO LIJEČENJE

Član 14.

(Način i postupak ostvarivanja prava na klimatsko liječenje)

Pravo na klimatsko liječenje lica iz člana 2. ovog pravilnika ostvaruju na način propisan odredbama čl. 4., 5., 6., 7., 8., 9., 10. 11. i 12. ovog pravilnika, po preporuci ordinirajućeg ljekara.

Član 15.

(Realizacija prava na klimatsko liječenje)

- (1) Klimatsko liječenje provodi se u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.
- (2) Objekti u kojima se klimatsko liječenje provodi moraju zadovoljavati odgovarajuće klimatske uslove, biti adekvatni za korisnike iz branilačkih kategorija sa ratnim i postratnim traumama, te prilagođeni i potrebama invalidnih lica.
- (3) Ministarstvo zaključuje ugovore o klimatskom liječenju-rehabilitaciji sa ustanovama i privrednim društvima u skladu sa propisima iz oblasti javnih nabavki.
- (4) Ugovorima iz stava (3) ovog člana naročito se utvrđuje obim i kvalitet zdravstvenih i drugih usluga koje te ustanove i privredna društva pružaju korisnicima, cijene tih usluga i druga međusobna prava i obaveze.

DIO IV – FINANSIRANJE I OBUSTAVA

Član 16.

(Finansiranje prava na banjško i klimatsko liječenje)

Finansiranje prava iz ovog pravilnika za svaku godinu obezbjeđuje se do visine sredstava odobrenih za ove namjene u Budžetu Kantona Sarajevo.

Član 17.

(Obustava zaprimanja zahtjeva)

- (1) Ministarstvo zadržava pravo da može obustaviti zaprimanje zahtjeva za ostvarivanje prava na banjško i klimatsko liječenje, ako je zaprimljen veći broj zahtjeva u odnosu na predviđena budžetska sredstva za ovu namjenu, u skladu sa procjenom, strukturom i dinamikom potrošnje, izuzev za teže i urgentne slučajeve, obzirom da se pravo na banjško i klimatsko liječenje ostvaruje u skladu sa raspoloživim budžetskim sredstvima.
- (2) Obustava zaprimanja zahtjeva se objavljuje na internet stranici Ministarstva i na oglasnoj ploči radi transparentnosti.

DIO V - PRIJELAZNE I ZAVRŠNE ODREDBE

Član 18.

(Prijelazne odredbe)

- (1) Ljekarska komisija je dužna u roku od 30 dana usaglasiti svoj poslovnik o radu sa odredbama ovog pravilnika.
- (2) Postupci za ostvarivanje ovog prava koji su započeti do dana stupanja na snagu ovog pravilnika, okončat će se po odredbama ovog pravilnika.

Član 19.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za utvrđivanje prava na banjško i klimatsko liječenje (medicinska rehabilitacija) ("Službene novine Kantona Sarajevo", br. 9/21 i 7/24).

Član 20.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-6729/26

13. marta 2026. godine
Sarajevo

Ministar
Dr. sc. **Omer Osmanović**, s. r.

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), ministar za boračka pitanja Kantona Sarajevo donosi

PRAVILNIK

ZA UTVRĐIVANJE PRAVA NA DODJELU JEDNOKRATNE NOVČANE POMOĆI

DIO PRVI - OSNOVNE ODREDBE

Član 1.

(Predmet)

Ovim pravilnikom uređuju se korisnici i vidovi ostvarivanja prava na dodjelu jednodratne novčane pomoći, postupak ostvarivanja prava, uvjeti i kriteriji za ostvarivanje pojedinih vidova prava na jednodratnu novčanu pomoć, plaćanje dijela troškova vanrednog školovanja i paralelnog samofinansirajućeg, plaćanje dijela troškova II i III ciklusa Bolonjskog sistema studija, dodjela novčanih sredstava za rješavanje socijalnih potreba, plaćanje troškova stanarine, pomoć osumnjičenim i optuženim bivšim pripadnicima Oružanih snaga Republike Bosne i Hercegovine (u daljnjem tekstu: Oružane snage R BiH) u predmetima ratnih zločina do pravosnažnosti presude, kao i članovima njihovih porodica i druga pitanja od značaja za

ostvarivanje prava na dodjelu jednokratne novčane pomoći u skladu sa raspoloživim budžetskim sredstvima.

Član 2.

(Gramatička terminologija)

Gramatička terminologija korištenja muškog ili ženskog roda u ovom pravilniku podrazumijeva uključivanje oba roda.

Član 3.

(Korisnici i vidovi prava)

- (1) Pravo na dodjelu jednokratne novčane pomoći mogu ostvariti lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22, 8/24 i 13/25), (u daljnjem tekstu: Zakon) i to u vidu:
 - a) plaćanja dijela troškova vanrednog školovanja i paralelnog samofinansirajućeg;
 - b) plaćanja dijela troškova II i III ciklusa Bolonjskog sistema studija;
 - c) dodjele novčanih sredstava za rješavanje socijalnih potreba (zadovoljavanje osnovnih životnih potreba, pomoć teško oboljelim, nabavka lijekova, grijanje, poplave, požari, potres, udar groma i ostale prirodne nepogode, nabavka ortopedskih pomagala i neuslovnost stanovanja);
 - d) plaćanja troškova stanarine;
 - e) pomoć osumnjičenim i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude, kao i članovima njihovih porodica.
- (2) Pravo iz stava (1) tačka a) ovog člana mogu ostvariti djeca šehida, poginulih, umrlih i nestalih branioca, djeca ratnih vojnih invalida, djeca umrlih ratnih vojnih invalida, djeca dobitnika ratnih priznanja i odlikovanja i djeca poginulih, umrlih i nestalih dobitnika ratnih priznanja i odlikovanja, do navršene 27. godine života.
- (3) Pravo iz stava (1) tačka b) ovog člana mogu ostvariti djeca šehida, poginulih, umrlih i nestalih branioca, djeca ratnih vojnih invalida, djeca umrlih ratnih vojnih invalida, djeca dobitnika ratnih priznanja i odlikovanja i djeca poginulih, umrlih i nestalih dobitnika ratnih priznanja i odlikovanja, bez obzira na godine dobne starosti.
- (4) Pravo iz stava (1) tačka c) ovog člana mogu ostvariti djeca šehida, poginulih, umrlih i nestalih branioca, kada je u pitanju pomoć teško oboljelom podnosiocu zahtjeva.
- (5) Pravo iz stava (1) tačka e) ovog člana mogu ostvariti bivši pripadnici Oružanih snaga R BiH koji su učestvovali u odbrani suvereniteta i cjelovitosti Bosne i Hercegovine, a koji su optuženi u predmetima ratnih zločina do pravosnažnosti presude, kao i članovi njihovih porodica.

DIO DRUGI - POSTUPAK OSTVARIVANJA PRAVA

Član 4.

(Postupak ostvarivanja prava)

Ministarstvo za boračka pitanja Kantona Sarajevo (u daljnjem tekstu: Ministarstvo) svake godine objavljuje opći javni poziv za ostvarivanje prava na dodjelu jednokratne novčane pomoći, koja se mogu ostvariti u toku cijele godine u kojoj je objavljen opći javni poziv, a to su pravo na: plaćanje dijela troškova vanrednog školovanja i paralelnog samofinansirajućeg, plaćanje dijela troškova II i III ciklusa Bolonjskog sistema studija, dodjelu novčanih sredstava za rješavanje socijalnih potreba (zadovoljavanje osnovnih životnih potreba, pomoć teško oboljelim, nabavka lijekova, grijanje, poplave, požari i sl.),

plaćanje troškova stanarine, pomoć osumnjičenim i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude, kao i članovima njihovih porodica.

Član 5.

(Podnošenje zahtjeva na propisanim obrascima)

- (1) Lica koja imaju pravo na dodjelu jednokratne novčane pomoći podnose zahtjev na posebnim obrascima koje priprema Ministarstvo svake godine prema traženoj dokumentaciji. Na obrascima je navedena potrebna dokumentacija koju je podnosilac zahtjeva dužan priložiti uz zahtjev, a u skladu sa načelom efikasnosti koje osigurava brzo, potpuno i kvalitetno rješavanje upravnih stvari u upravnom postupku.
- (2) Podneseni zahtjevi moraju biti svojeručno potpisani, a dokumentacija se ne vraća podnosiocima zahtjeva.

Član 6.

(Rok važenja podnesenog zahtjeva)

- (1) Zahtjev za ostvarivanje prava podnosi se svake godine, uz obaveznu dokumentaciju propisanu zahtjevom. Izuzetak u vezi podnošenja zahtjeva za dodjelu novčanih sredstava u vidu pomoći teško oboljelim propisan je u stavu (4) ovog člana.
- (2) Svake budžetske godine utvrđuje se visina novčanih sredstava za realizaciju i ostvarivanje prava na dodjelu jednokratne novčane pomoći.
- (3) Obzirom da se prava iz člana 3. stav (1) ovog pravilnika ostvaruju u skladu sa raspoloživim budžetskim sredstvima Ministarstvo zadržava pravo da može obustaviti zaprimanje zahtjeva za ostvarivanje prava na dodjelu jednokratne novčane pomoći, ako je zaprimljen veći broj zahtjeva u odnosu na predviđena budžetska sredstva za ovu namjenu, u skladu sa procjenom, strukturom i dinamikom potrošnje, izuzev za slučajeve težih bolesti definisanih članom 20. stav (2) ovog pravilnika.
- (4) Korisnici koji su pravo na dodjelu novčanih sredstava u vidu pomoći teško oboljelim ostvarili u 2026. godini, a u skladu sa Međunarodnom klasifikacijom bolesti koje su propisane u članu 20. stav (2) ovog pravilnika, u narednoj godini podnose samo obnovu zahtjeva iz prethodne godine, bez dostavljanja obavezne dokumentacije.
- (5) Kontinuitet podnošenja zahtjeva bez obavezne dokumentacije za korisnike koji su pravo na dodjelu novčanih sredstava u vidu pomoći teško oboljelim ostvarili u 2026. godini i dalje, se gubi ukoliko korisnik naredne godine ne obnovi zahtjev i u tom slučaju isti podnosi zahtjev sa obaveznom dokumentacijom.
- (6) Pravo na dodjelu novčanih sredstava kao pomoć teško oboljelim ostvaruje se tri godine, koje ne moraju biti u kontinuitetu, računajući od 2026. godine i ne može se ponovo ostvariti po istoj dijagnozi, izuzev za najteže slučajeve po ocjeni ljekara specijaliste.
- (7) Zahtjevi se rješavaju po hronologiji podnošenja, a hitnost potrebe rješavanja npr. izuzetno teške bolesti utvrđuje ljekar specijalista.
- (8) Ministarstvo početkom svake godine na internet stranici Ministarstva objavljuje obavještenje da korisnici koji su u prethodnoj godini ostvarili pravo na dodjelu novčanih sredstava u vidu pomoći teško oboljelim sa iznosom od 1.000,00 KM i više, mogu obnoviti zahtjev iz prethodne

godine u tekućoj godini bez podnošenja obavezne dokumentacije.

Član 7.

(Organ odlučivanja)

- (1) Obradu zahtjeva i donošenje odluka o ispunjavanju odnosno neispunjavanju uvjeta za pravo iz člana 3. stav (1) tač. a), b) i d) obavlja Sektor za boračku-invalidsku zaštitu Ministarstva (u daljnjem tekstu: Sektor za BIZ).
- (2) Obradu zahtjeva, donošenje odluka o ispunjavanju odnosno neispunjavanju uvjeta i liste lica sa nepotpunom dokumentacijom za pravo iz člana 3. stav (1) tačka c) ovog pravilnika obavlja Komisija za dodjelu jednokratne novčane pomoći za rješavanje socijalnih potreba.
- (3) Komisija za dodjelu jednokratne novčane pomoći u plaćanju troškova u procesu odbrane daje prijedlog ministru za boračka pitanja Kantona Sarajevo (u daljnjem tekstu: ministar) o dodjeli i visini jednokratnih novčanih pomoći za pravo iz člana 3. stav (1) tačka e) ovog pravilnika.
- (4) Protiv odluka iz st. (1), (2) i (3) ovog člana može se izjaviti žalba ministru u roku od 15 dana od dana prijema odluke. Rješenje koje ministar donese po žalbi je konačno, a protiv istog se može pokrenuti upravni spor.

DIO TREĆI - UVJETI I KRITERIJI ZA OSTVARIVANJE POJEDINIH VIDOVA PRAVA NA JEDNOKRATNU NOVČANU POMOĆ

ODJELJAK A - OPĆI UVJET

Član 8.

(Opći uvjet)

- (1) Opći uvjet za ostvarivanje prava na dodjelu jednokratne novčane pomoći je da lica iz člana 1. Zakona i lica iz člana 3. st. (2), (3) i (4) ovog pravilnika imaju prebivalište ili boravište na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje prava, te da podnosilac zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman).
- (2) Pojam "neprekidno" iz stava (1) ovog člana podrazumjeva i prekide u prebivalištu ili boravištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta.
- (3) Pravo na dodjelu jednokratne novčane pomoći mogu ostvariti branioci koji su proveli u Oružanim snagama R BiH najmanje godinu dana i lice koje je kao maloljetno stupilo u Oružane snage R BiH u periodu datom u definiciji branioca po Zakonu o pravima branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10, 90/17, 29/22, 60/24 i 6/26), pod uvjetom da ne postoje okolnosti iz člana 36. Zakona o pravima branilaca i članova njihovih porodica.
- (4) Izuzetak od općeg uvjeta neprekidnosti prebivališta ili boravišta su lica iz člana 3. stav (5) ovog pravilnika, gdje je u smislu dokaza prebivališta ili boravišta u Kantonu Sarajevo potreban dokaz trenutne prijave prebivališta ili boravišta, te nije potrebno uvjerenje da podnosilac zahtjeva nema duga po osnovu javnih prihoda.

ODJELJAK B - PLAĆANJE DIJELA TROŠKOVA VANREDNOG ŠKOLOVANJA I PARALELNOG SAMOFINANSIRAJUĆEG

Član 9.

(Jednokratna novčana pomoć za plaćanje troškova polaganja dopunskih i razrednih ispita)

- (1) Jednokratna novčana pomoć za plaćanje troškova polaganja dopunskih i razrednih ispita može se dodijeliti jednom u visini punog iznosa troškova polaganja dopunskih i razrednih ispita na osnovu računa ili predračuna obrazovne ustanove, pod uvjetom da se školovanjem stiče prvo zanimanje nakon završene osnovne škole.
- (2) Jednokratna novčana pomoć za plaćanje troškova polaganja dopunskih i razrednih ispita izuzetno se može dodijeliti u visini do 60% od cijene troškova školovanja na osnovu računa ili predračuna obrazovne ustanove i ukoliko se školovanjem ne stiče prvo zanimanje, pod uvjetima:
 - a) da se radi o mogućnosti lakšeg zapošljavanja lica iz člana 1. Zakona i lica iz člana 3. stav (2) ovog pravilnika, koji sa postojećom kvalifikacijom ne mogu pronaći posao;
 - b) da je prekvalifikacija uvjet za ostanak na radnom mjestu za podnosioca zahtjeva ukoliko je zaposlen, o čemu podnosilac zahtjeva dostavlja ovjerenu pismenu potvrdu poslodavca. Pored navedenog, podnosilac zahtjeva dostavlja potvrdu od poslodavca da će ga po završetku prekvalifikacije rasporediti na odgovarajuće radno mjesto u skladu sa stečenom stručnom spremom. Ukoliko je podnosilac zahtjeva nezaposlen dostavlja uvjerenje službe za zapošljavanje.

Član 10.

(Kriteriji i obavezna dokumentacija za plaćanje troškova vanrednog školovanja)

- (1) Kriteriji za ostvarivanje jednokratne novčane pomoći za plaćanje troškova vanrednog školovanja su:
 - a) pripadnost kategoriji lica iz člana 1. Zakona i lica iz člana 3. stav (2) ovog pravilnika;
 - b) da je školska ustanova sa sjedištem na području Kantona Sarajevo;
 - c) račun ili predračun obrazovne ustanove.
- (2) Obavezna dokumentacija koju dostavlja podnosilac zahtjeva za dodjelu jednokratne novčane pomoći za plaćanje troškova vanrednog školovanja je:
 - a) dokaz da je lice iz člana 1. Zakona ili lice iz člana 3. stav (2) ovog pravilnika (uvjerenje o vremenu provedenom u Oružanim snagama R BiH-obrazac VFMB3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, a za djecu šehida, poginulih, umrlih i nestalih branioca uvjerenje ili potvrda nadležne općinske službe o statusu djeteta šehida, poginulog, umrlog i nestalog branioca; uvjerenje o kretanju za podnosioca zahtjeva;
 - b) uvjerenje da podnosilac zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o

- urednom izmirenju obaveza po sporazumu (uplatnica, trajni nalog ili virman);
- d) potvrda obrazovne ustanove iz koje je vidljivo da je podnositelj zahtjeva upisan na traženo školovanje;
 - e) račun ili predračun obrazovne ustanove iz koje će biti vidljiva specifikacija usluga i cijena troškova školovanja;
 - f) potvrda poslodavca da je za podnosioca zahtjeva prekvalifikacija uvjet za ostanak na radnom mjestu ukoliko je zaposlen i potvrda od poslodavca da će ga po završetku prekvalifikacije rasporediti na odgovarajuće radno mjesto u skladu sa stečenom stručnom spremom ili uvjerenje službe za zapošljavanje ukoliko je podnositelj zahtjeva nezaposlen;
 - g) izvod iz matične knjige rođenih (trajnog karaktera).
- (3) Dokazi iz stava (2) ovog člana dostavljaju se u originalu ili kopiji ovjerenj od nadležnog općinskog organa i ne mogu biti stariji od šest mjeseci od dana podnošenja zahtjeva, izuzev dokaza iz stava (2) tačka g) ovog člana koji mora biti u originalu ili kopiji ovjerenj od nadležnog općinskog organa, a koji može biti stariji od šest mjeseci od dana podnošenja zahtjeva.

Član 11.

(Posebni uvjeti za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama)

U skladu sa raspoloživim finansijskim sredstvima lica iz člana 1. Zakona i lica iz člana 3. stav (2) ovog pravilnika mogu ostvariti pravo na dodjelu jednokratne novčane pomoći za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama u visini do 60% od cijene troškova školovanja jedne godine studija na osnovu računa ili predračuna visokoškolske ustanove, pod slijedećim posebnim uvjetima:

- a) da je visokoškolska ustanova sa sjedištem na području Kantona Sarajevo;
- b) da podnositelj zahtjeva ne obnavlja godinu odnosno upis;
- c) da podnositelj zahtjeva nije stipendista Fonda "Ikre" u tekućoj akademskoj godini;
- d) da podnositelj zahtjeva nije dobio novčana sredstva za finansiranje studija od Ministarstva za nauku, visoko obrazovanje i mlade Kantona Sarajevo u tekućoj akademskoj godini.

Član 12.

(Izuzetak u ostvarivanju prava na plaćanje troškova vanrednog i samofinansirajućeg I ciklusa Bolonjskog sistema studija)

Jednokratna novčana pomoć za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama može se dodijeliti do maksimalnog iznosa cjelokupnih troškova jedne godine studija na visokoškolskoj ustanovi ako se radi o izuzetno uspješnim studentima sa prosjekom ocjena 8,5 i više, prema tabeli kako slijedi:

Prosječna ocjena	Iznos (u procentima)
8,5	70% cjelokupnih troškova jedne godine studija
9,0	80% cjelokupnih troškova jedne godine studija
9,5	90% cjelokupnih troškova jedne godine studija
10,0	100% cjelokupnih troškova jedne godine studija

Član 13.

(Obavezna dokumentacija za dodjelu jednokratne pomoći za plaćanje troškova vanrednog i samofinansirajućeg I ciklusa Bolonjskog sistema studija)

- (1) Obavezna dokumentacija koju dostavlja podnositelj zahtjeva za dodjelu jednokratne novčane pomoći za plaćanje troškova vanrednog i samofinansirajućeg I ciklusa Bolonjskog sistema studija je:
 - a) dokaz da je lice iz člana 1. Zakona ili lice iz člana 3. stav (2) ovog pravilnika (uvjerenje o vremenu provedenom u Oružanim snagama R BiH-obrazac VFMB3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, a za djecu šehida, poginulih, umrlih i nestalih branioca uvjerenje ili potvrda nadležne općinske službe o statusu djeteta šehida, poginulog, umrlog i nestalog branioca;
 - b) uvjerenje o kretanju za podnosioca zahtjeva;
 - c) uvjerenje da podnositelj zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman);
 - d) potvrda visokoškolske ustanove iz koje je vidljivo da je podnositelj zahtjeva upisan na traženi studij i da ne obnavlja godinu odnosno upis;
 - e) račun ili predračun visokoškolske ustanove iz koje će biti vidljiva specifikacija usluga i cijena troškova studija;
 - f) potvrda o prosjeku ocjena ako se radi o izuzetno uspješnim studentima sa prosjekom ocjena 8,5 i više;
 - g) izvod iz matične knjige rođenih (trajnog karaktera);
 - h) izjava da podnositelj zahtjeva nije ostvario pravo na stipendiju kod Fonda "Ikre" i da nije dobio novčana sredstva za finansiranje studija od Ministarstva za nauku, visoko obrazovanje i mlade Kantona Sarajevo u tekućoj akademskoj godini.
- (2) Dokazi iz stava (1) ovog člana dostavljaju se u originalu ili kopiji ovjerenj od nadležnog općinskog organa i ne mogu biti stariji od šest mjeseci od dana podnošenja zahtjeva, izuzev dokaza iz stava (1) tačka g) ovog člana koji mora biti u originalu ili kopiji ovjerenj od nadležnog općinskog organa, a koji može biti stariji od šest mjeseci od dana podnošenja zahtjeva.

ODJELJAK C - PLAĆANJE DIJELA TROŠKOVA II I III CIKLUSA BOLONJSKOG SISTEMA STUDIJA

Član 14.

(Posebni uvjeti za plaćanje troškova II i III ciklusa Bolonjskog sistema studija)

U skladu sa raspoloživim finansijskim sredstvima lica iz člana 1. Zakona i lica iz člana 3. stav (3) ovog pravilnika mogu ostvariti pravo na dodjelu jednokratne novčane pomoći za plaćanje troškova II i III ciklusa Bolonjskog sistema studija, pod slijedećim uvjetima:

- a) da je visokoškolska ustanova sa sjedištem na području Kantona Sarajevo;

- b) da podnosilac zahtjeva ne obnavlja godinu odnosno upis, izuzev apsolvanta koji prvi put obnavlja godinu kao apsolvant;
- c) da podnosilac zahtjeva nije stipendista Fonda "Ikre" u tekućoj akademskoj godini;
- d) da podnosilac zahtjeva nije dobio novčana sredstva za finansiranje studija od Ministarstva za nauku, visoko obrazovanje i mlade Kantona Sarajevo u tekućoj akademskoj godini.

Član 15.

(Ostvarivanje prava na plaćanje troškova II i III ciklusa Bolonjskog sistema studija)

- (1) Jednokratna novčana pomoć za plaćanje troškova II ciklusa Bolonjskog sistema studija može se dodijeliti u visini do 1/3 troškova školovanja za jednu godinu studija, što je vidljivo iz računa ili predračuna visokoškolske ustanove, a izuzetno licima koja postižu vanredne rezultate na studiju (prosjeck ocjena od 9,0 do 10) do maksimalnog iznosa cjelokupnih troškova jedne godine studija na visokoškolskoj ustanovi, prema tabeli kako slijedi:

Prosjeck ocjena	Iznos (u procentima)
9,0	80% cjelokupnih troškova jedne godine studija
9,5	90% cjelokupnih troškova jedne godine studija
10,0	100% cjelokupnih troškova jedne godine studija

- (2) Jednokratna novčana pomoć za plaćanje troškova III ciklusa Bolonjskog sistema studija može se dodijeliti za jednu godinu studija, što je vidljivo iz računa ili predračuna visokoškolske ustanove, prema tabeli kako slijedi:

Godina studija	Iznos
1. godina studija	1/3 cjelokupnih troškova jedne godine studija
2. godina studija	prosjeck ocjena 9,0 - 80% cjelokupnih troškova jedne godine studija prosjeck ocjena 9,5 - 90% cjelokupnih troškova jedne godine studija prosjeck ocjena 10,0 - 100% cjelokupnih troškova jedne godine studija
3. godina studija	1/2 cjelokupnih troškova jedne godine studija

- (3) Lice koje je ostvarilo pravo na jednokratnu novčanu pomoć za plaćanje troškova III ciklusa Bolonjskog sistema studija obavezno je tokom trajanja studija sudjelovati u zadacima ili aktivnostima koje Ministarstvo odredi kao društveno korisne, u skladu sa pozivom Ministarstva.
- (4) Zadatak odnosno aktivnost lica iz stava (3) ovog člana može imati formu analitičkog izvještaja ili studije slučaja, a može uključivati prisustvo manifestacijama, okruglim stolovima ili fokus grupama (do tri puta) u skladu sa smjernicama Ministarstva.
- (5) Tema zadatka ili aktivnosti će biti usklađena sa naučnom temom doktorskog studija lica koje je ostvarilo pravo na jednokratnu novčanu pomoć za plaćanje troškova III ciklusa Bolonjskog sistema studija, kako bi doprinos Ministarstvu bio komplementaran akademskom radu.
- (6) U slučaju da lice koje je ostvarilo pravo na jednokratnu novčanu pomoć za plaćanje troškova III ciklusa Bolonjskog sistema studija ne izvrši zadatak ili aktivnost, Ministarstvo može primijeniti odgovarajuće mjere, uključujući smanjenje iznosa jednokratne novčane pomoći za plaćanje troškova III ciklusa Bolonjskog sistema studija.

Član 16.

(Obavezna dokumentacija za dodjelu jednokratne novčane pomoći za plaćanje dijela troškova II i III ciklusa Bolonjskog sistema studija)

- (1) Obavezna dokumentacija koju dostavlja podnosilac zahtjeva za dodjelu jednokratne novčane pomoći za plaćanje dijela troškova II i III ciklusa Bolonjskog sistema studija je:
- a) dokaz da je lice iz člana 1. Zakona ili lice iz člana 3. stav (3) ovog pravilnika (uvjerenje o vremenu provedenom u Oružanim snagama R BiH-obrazac VFMB-3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, a za djecu šehida, poginulih, umrlih i nestalih branioca uvjerenje ili potvrda nadležne općinske službe o statusu djeteta šehida, poginulog, umrlog i nestalog branioca;
 - b) uvjerenje o kretanju za podnosioca zahtjeva;
 - c) uvjerenje da podnosilac zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman);
 - d) potvrda visokoškolske ustanove iz koje je vidljivo da je podnosilac zahtjeva upisan na traženi studij i da ne obnavlja godinu odnosno upis ili da istu obnavlja prvi put kao apsolvant;
 - e) račun ili predračun visokoškolske ustanove iz koje će biti vidljiva specifikacija usluga i cijena troškova studija;
 - f) potvrda o prosjeku ocjena ako se radi o izuzetno uspješnim studentima sa prosjekom ocjena 9,0 i više;
 - g) izvod iz matične knjige rođenih (trajnog karaktera);
 - h) izjava da podnosilac zahtjeva nije ostvario pravo na stipendiju kod Fonda "Ikre" i da nije dobio novčana sredstva za finansiranje studija od Ministarstva za nauku, visoko obrazovanje i mlade Kantona Sarajevo u tekućoj akademskoj godini.
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva, izuzev dokaza iz stava (1) tačka g) ovog člana koji mora biti u originalu ili kopiji ovjerenoj od nadležnog općinskog organa, a koji može biti stariji od šest mjeseci od dana podnošenja zahtjeva.

Član 17.

(Refundacija troškova školovanja)

Lica koja su već izvršila plaćanje troškova vanrednog školovanja, kao i troškove školovanja I, II i III ciklusa Bolonjskog sistema studija vlastitim sredstvima ne mogu ostvariti pravo na jednokratnu novčanu pomoć za troškove školovanja putem refundacije, niti Ministarstvo može preuzeti troškove školovanja nastale za prethodne godine školovanja.

**ODJELJAK D - DODJELA NOVČANIH SREDSTAVA ZA
RJEŠAVANJE SOCIJALNIH POTREBA**

Član 18.

(Vidovi socijalnih potreba)

- (1) Jednokratna novčana pomoć za rješavanje socijalnih potreba, može se dodjeljivati licima iz člana 1. Zakona za zadovoljavanje osnovnih životnih potreba, pomoć teško oboljelim, nabavka lijekova, grijanje, poplave, požari, potres, udar groma i ostale prirodne nepogode, nabavka ortopedskih pomagala i neuslovnost stanovanja.
- (2) Pravo iz stava (1) ovog člana mogu ostvariti i djeca šehida, poginulih, umrlih i nestalih branioca kada je u pitanju pomoć teško oboljelom podnosiocu zahtjeva.
- (3) Jednokratna novčana pomoć za rješavanje socijalnih potreba se dijeli na dvije osnovne grupe:
 - a) teže bolesti, nabavka lijekova, poplave, požari, potres, udar groma i ostale prirodne nepogode, nabavka ortopedskih pomagala i neuslovnost stanovanja;
 - b) druge socijalne potrebe (zadovoljavanje osnovnih životnih potreba i grijanje).

Član 19.

(Komisija za dodjelu jednokratnih novčanih pomoći za rješavanje socijalnih potreba)

- (1) Za potrebe odlučivanja o dodjeli jednokratne novčane pomoći za rješavanje socijalnih potreba iz člana 18. stav (3) tačka a) i b) ovog pravilnika ministar imenuje Komisiju za dodjelu jednokratne novčane pomoći za rješavanje socijalnih potreba.
- (2) Komisija za dodjelu jednokratne novčane pomoći za rješavanje socijalnih potreba može imati do deset članova, od kojih su dva člana obavezno ljekari specijalisti. Zadatak Komisije za dodjelu jednokratne novčane pomoći za rješavanje socijalnih potreba je da pregleda i obradi zaprimljene zahtjeve, da utvrdi da li podnosioci zahtjeva ispunjavaju odnosno ne ispunjavaju uvjete i kriterije za ostvarivanje prava, dok ljekari specijalisti kao članovi Komisije za dodjelu jednokratne novčane pomoći za rješavanje socijalnih potreba pregledaju medicinsku dokumentaciju u smislu ispunjavanja odnosno ne ispunjavanja uvjeta i kriterija za ostvarivanje prava i daju prijedloge o visini iznosa jednokratnih novčanih pomoći za liječenje težih bolesti, nabavku lijekova i ortopedskih pomagala, uz navođenje osnova za dodjelu jednokratne novčane pomoći u obrazloženju zbirne odluke.
- (3) Komisija za dodjelu jednokratne novčane pomoći za rješavanje socijalnih potreba donosi zbirnu odluku o dodjeli sredstava za jednokratnu novčanu pomoć iz člana 18. stav (3) tač. a) i b) ovog pravilnika, prvostepenu zbirnu odluku o odbijanju zahtjeva i listu lica sa nepotpunom dokumentacijom.
- (4) Komisija za dodjelu jednokratne novčane pomoći za rješavanje socijalnih potreba donosi poslovnik o radu kojim se uređuje administrativni-tehnički način rada, način odlučivanja i druga pitanja od značaja za rad.

Član 20.

(Posebni uvjeti, kriteriji i postupak za ostvarivanje jednokratne novčane pomoći za rješavanje socijalnih potreba)

- (1) Posebni kriteriji za ostvarivanje prava na dodjelu jednokratne novčane pomoći za rješavanje socijalnih potreba su:
 - a) teže bolesti lica iz člana 1. Zakona i članova njihovog porodičnog domaćinstva i lica iz člana 3. stav (4) ovog

pravilnika, nabavka lijekova, poplave, požari, potres, udar groma i ostale prirodne nepogode, nabavka ortopedskih pomagala i neuslovnost stanovanja;

- b) druge socijalne potrebe (zadovoljavanje osnovnih životnih potreba i grijanje).
- (2) Visina jednokratne novčane pomoći za kriterije iz stava (1) tačka a) ovog člana iznosi:
 - a) tumori (šifrnarik bolesti: C00-D48) do 3.000,00 KM koji obuhvataju:
 - 1) maligne tumore;
 - 2) benigne tumore koji lokalizacijom ili prirodom mogu ugroziti život ili smanjiti funkciju organa ili sistem;
 - b) neuromišićna oboljenja (šifrnarik bolesti: G00-G14; G20-G24; G30-G32; G35-G37; G40-G41; G70-G71; G80- G83; G91-G93) do 2.000,00 KM koja obuhvataju:
 - 1) progresivna neuromišićna oboljenja;
 - 2) mišićnu distrofiju;
 - 3) multiplu sklerozu;
 - 4) miastenija gravis;
 - 5) europatije;
 - 6) miopatije;
 - 7) epilepsije (nekontrolisana ili rezistentna na terapiju);
 - 8) nezarazne encefalitise i encefalomijelitise;
 - 9) cerebralne paralize;
 - c) bolesti koštano-mišićnog sistema i vezivnog tkiva (šifrnarik bolesti: M00-M03; M16-M19; M21; M25; M30-M36; M40-M43; M45; M47; M86- M91) do 1.500,00 KM koje obuhvataju:
 - 1) protruziju intervertebralnog diskusa sa komplikacijama (težim funkcionalnim oštećenjem nerva, mišića i popuštanjem sfinktera) koja zahtjeva intenzivan i dugotrajan medicinski tretman;
 - 2) seropozitivne reumatoidne artritise kada je bolesnik nesposoban za bilo kakve aktivnosti ili vezan za postelju i invalidska kolica;
 - 3) ankilozirajuće spondilitise;
 - 4) direktne infekcije zglobova kod infektivnih ili parazitaranih oboljenja;
 - 5) upalne bolesti zglobova;
 - 6) degenerativne bolesti perifernih zglobova, deformacije kičme, zakrivljenost srednjeg dijela, deformacije zakrivljenost donjeg dijela, bočna zakrivljenost kičme i degenerativne promjene kičme, pod uvjetom da su operativno tretirani;
 - 7) upale kosti sa razaranjem, uzrokovan bakterijama, gljivicama i mikrobakterijama;
 - 8) degenerativne bolesti kostiju i zglobova;
 - 9) bolesti koje uzrokuju ozbiljne funkcionalne smetnje lokomotornog aparata i trajno ga onemogućavaju u normalnom obavljanju svakodnevnih aktivnosti;
 - d) respiratorne bolesti (šifrnarik bolesti: J40-J44; J81; J85-J86; J90-J98) do 1.500,00 KM koje obuhvataju:
 - 1) bolesti pluća praćene trajnim oštećenjem respiratorne funkcije (sa vrijednostima vitalnih plućnih parametara: FVC, FEV-1, FEV 1/FVC ispod 40%);
 - 2) hronične opstruktivne bolesti (HOPB);

- 3) emfizemepluća;
 - 4) astme bronhijalne;
 - 5) sarkoidoze;
 - 6) bronhijektazije;
 - 7) apscese pluća i medijastinuma;
 - 8) piotorakse;
 - 9) pneumotorakse;
 - 10) sindrome respiratornog distresa (RDS);
 - 11) druge plućne bolesti koje su iziskivale bolničko liječenje u posljednje tri godine;
- e) specifična stanja koja zahtijevaju skup i doživotni tretman do 2.000,00 KM koja obuhvataju:
- 1) transplatacije organa;
 - 2) transplatacije koštane srži;
 - 3) stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman. Za oboljenje transplatacija koštane srži jednokratna novčana pomoć za plaćanje troškova liječenja se može odobriti najkasnije u roku od tri godine od dana izvršene transplatacije prema medicinskoj dokumentaciji, osim ako se radi o potrebi ponovne transplatacije kada se jednokratna novčana pomoć za liječenje može odobriti i unaprijed;
- f) bolesti kardiocirkulatornog sistema (šiframik bolesti: I20-I26; I48-I4; I50-I51; I60- I69; I72-I77) do 1.500,00 KM koje obuhvataju:
- 1) infarkte miokarda;
 - 2) intracerebralna krvarenja;
 - 3) subarahnoidalna krvarenja;
 - 4) plućne embolije;
 - 5) hipertenzivna oboljenja (sa popuštanjem srčanog mišića);
 - 6) hipertenzije (sa renalnom insuficijencijom);
 - 7) operativne zahvate na srcu (ugradnja stentova, bajpasa, pejsmejкера i dr.);
 - 8) aortalna rascjepljenja;
 - 9) Aneurizme aorte i Disectio aorte;
 - 10) reumatske groznice koje obuhvate srce;
 - 11) Wegenerove granulomatoze (zapaljenje krvnih žila);
 - 12) kongenitalne malformacije srca. Za oboljenje infarkt miokarda podnosilac zahtjeva ima pravo na jednokratnu novčanu pomoć za plaćanje troškova liječenja najkasnije u roku od tri godine nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja;
- g) psihička oboljenja (šiframik bolesti: F00-F02; F20-F29; F33; F43.1; F72-F73; F84; F99) do 1.500,00 KM koja obuhvataju:
- 1) bolesti zbog čije prirode i stanja oboljeli može ugroziti svoj i/ili život drugih lica, oštetiti materijalna dobra, a koje zahtijevaju stalni medikamentozni tretman i kontinuirano praćenje od strane nadležnog psihijatra;
 - 2) posttraumatske stresne poremećaje (PTSP);
 - 3) akutne psihoze;
 - 4) hronične psihoze;
 - 5) primarne demencije kod Alzheimerove bolesti;
 - 6) demencije kod Parkinsonove bolesti;
 - 7) nespecifične demencije;
 - 8) mentalne retardacije;
 - 9) autizme;
 - 10) Down syndrome;
- h) sistemske bolesti (šiframik bolesti: M30-M36) do 1.500,00 KM koje obuhvataju:
- 1) sistemske lupuse;
 - 2) poliarteritis nodosa;
 - 3) difuzne sistemske sklerodermije;
 - 4) Sjogrenove sindrome;
 - 5) Cronove bolesti;
 - 6) ulcerozne colitise;
 - 7) psoriasis;
- i) endokrine i metaboličke bolesti (šiframik bolesti: E10-E14; E22-E25; E27; E31; E43; E88.8) do 1.500,00 KM koje obuhvataju:
- 1) šećerne bolesti sa jako izraženim komplikacijama (insulinski tretirane, sljepoće, gangrene i bubrežne insuficijencije);
 - 2) hronične endokrine poremećaje ukoliko su operativno tretirani;
- j) bolesti krvi, krvotvornog sistema i imunološkog sistema (šiframik bolesti: DD55D61; D65-D68; D70, D75.5, D76; D80-D89) do 1.500,00 KM koje obuhvataju:
- 1) stečene aplazije crvenih krvnih zrnaca;
 - 2) mijeloproliferativna oboljenja koštane srži - Myelofibrosis;
- k) bolesti gastrointestinalnog i hepatobilijarnog trakta (šiframik bolesti: K50-K52; K55-K56; K65-K67; K70-K77; K85; K90-K91) do 1.000,00 KM koje obuhvataju:
- 1) hronične pancreatitise;
 - 2) ponavljajuće upale gušterače;
 - 3) trajna oštećenja jetre koja zahtijevaju dugotrajno liječenje;
 - 4) Hepatitis chr. persistens;
 - 5) ciroze jetre sa trajnim oštećenjem;
 - 6) Cirosis hepatitis;
- l) bolesti oka i vidnog živca (šiframik bolesti: H31; H35; H44; H46- H48) do 1.000,00 KM koje obuhvataju:
- 1) upale vidnog živca, optičke neuritise, gubitke vida;
 - 2) druge očne bolesti koje su iziskivale bolničko liječenje u posljednje tri godine;
- m) bolesti urogenitalnog trakta (šiframik bolesti: N00-N07; N11; N16-N19) do 1.500,00 KM koje obuhvataju:
- 1) nefrotske sindrome bilo koje etiologije;
 - 2) upale bubrega praćene bubrežnom insuficijencijom;
 - 3) hronične bubrežne insuficijencije koje zahtijevaju trajnu dijalizu;
 - 4) druge bolesti urogenitalnog trakta koje su iziskivale operativno i bolničko liječenje u posljednje tri godine;
- n) povrede, opekotine i rane do 1.500,00 KM koje obuhvataju:
- 1) povrede (teške tjelesne povrede koje ozbiljno oštećuju zdravlje i uzrok su ozbiljnih oštećenja

- organa, osjetila i organskih sistema, amputatio, frakture, ozljede srca i organa, crush povrede (vrata), ukoliko je zahtjev za ostvarivanje prava podnesen u roku od tri godine od dana zadobivanja povrede;
- 2) opekotine (srednje teško opečeni - površine opekotine do 40% ili duboke opekotine nefunkcionalnih dijelova tijela do 10% površine, teško opečeni - površina opekotine prelazi preko 40% površine tijela ili duboke opekotine funkcionalnih dijelova tijela bez obzira na njihovu površinu, smrtonosne opekotine - one koje zahvataju površinu tijela veću od 50%), ukoliko je zahtjev za ostvarivanje prava podnesen u roku od tri godine u odnosu na dan zadobivanja opekotine;
- 3) rane (ranjavanja koja su prouzrokovala trajne posljedice po normalan život) ukoliko je zahtjev za ostvarivanje prava podnesen u roku od tri godine u odnosu na dan ranjavanja;
- o) operativni zahvati do 1.500,00 KM, a koji obuhvataju ozbiljnije operativne zahvate koji iziskuju bolnički postoperativni tretman. Podnosilac zahtjeva ima pravo na jednokratnu novčanu pomoć za liječenje ukoliko je zahtjev za ostvarivanje prava podnesen u roku od tri godine u odnosu na operativni zahvat.
- (3) Visina jednokratne novčane pomoći za kriterije iz stava (1) tačka b) ovog člana izuzev za zadovoljavanje osnovnih životnih potreba i za grijanje, iznosi:
- a) nabavka lijekova i ortopedskih pomagala do 3.000,00 KM.
- b) prirodne nepogode i to:
- 1) poplava do 5.000,00 KM;
 - 2) požar do 5.000,00 KM;
 - 3) potres do 5.000,00 KM;
 - 4) udar groma do 5.000,00 KM;
 - 5) ostale prirodne nepogode do 5.000,00 KM.
- c) jednokratna novčana pomoć pripadnicima braniteljske populacije za smještaj u stanove datih na korištenje od strane općinskog organa može se odobriti u iznosu do 5.000,00 KM u slučaju neuslovnosti stanovanja u dodijeljenom stanu na korištenje i teške socijalno-ekonomske situacije koja ugrožava osnovne životne potrebe shodno Odluci Vlade Kantona Sarajevo o davanju saglasnosti Ministarstvu za boračka pitanja Kantona Sarajevo za sklapanje okvirnog sporazuma o rješavanju stambenog pitanja lica iz branilačke populacije putem privremenog smještaja u raspoložive stambene jedinice u vlasništvu općina i potpisanih sporazuma o sanaciji stanova u vlasništvu općina radi rješavanja stambenog pitanja lica iz branilačke populacije putem zakupnog odnosa, kao i potpisanih okvirnih sporazuma sa općinama, ukoliko ranije po istom osnovu korisnici ovog prava nisu dobivali sredstva od ovog Ministarstva.
- (4) Prilikom primjene kriterija iz st. (2) i (3) ovog člana Komisija za dodjelu jednokratne novčane pomoći za rješavanje socijalnih potreba će uzeti u obzir sljedeće:
- a) vrsta, težina konkretnog socijalnog problema i potreba hitnosti njegovog rješavanja;
- b) stambena situacija podnosioca zahtjeva;
- c) težina i vrsta oboljenja;
- d) vrsta i cijena troškova liječenja i potrebnih lijekova;
- e) procjena oštećenja objekta usljed elementarne nepogode i neuslovnosti stanovanja izvršena od strane nadležnih institucija.
- (5) Visinu jednokratne novčane pomoći za rješavanje drugih socijalnih potreba (zadovoljavanje osnovnih životnih potreba i grijanje) utvrđuje ministar posebnom odlukom.
- (6) Kriteriji za ostvarivanje jednokratne novčane pomoći za zadovoljavanje osnovnih životnih potreba i za grijanje su:
- a) pripadnost kategoriji lica iz člana 1. Zakona;
- b) nezaposlenost podnosioca zahtjeva i članova njegovog porodičnog domaćinstva;
- c) da ukupni mjesečni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu od 30% od prosječne plaće ostvarene u Kantonu Sarajevo u prethodnoj kalendarskoj godini;
- d) veći broj članova porodičnog domaćinstva.
- (7) Zahtjevi se rješavaju po hronologiji podnošenja, a hitnost potrebe rješavanja npr. izuzetno teške bolesti utvrđuje ljekar specijalista.
- (8) Podnosilac zahtjeva u tekućoj godini može ostvariti pravo samo jednom na jedan od vidova jednokratne novčane pomoći, odnosno samo za teže bolesti ili samo za zadovoljavanje osnovnih životnih potreba i za grijanje.
- (9) U slučaju da u istom domaćinstvu ima više lica iz člana 1. Zakona ili više djece šehida, poginulih, umrlih i nestalih branioca, zahtjev za dodjelu jednokratne novčane pomoći za liječenje može podnijeti svako lice za svoju bolest.
- (10) U slučaju da je više lica iz člana 1. Zakona u istom domaćinstvu, pravo na dodjelu jednokratne novčane pomoći za zadovoljavanje osnovnih životnih potreba i grijanje, može ostvariti samo jedno lice.
- (11) U slučaju postojanja zahtjeva sa nepotpunom dokumentacijom, Komisija za dodjelu jednokratne novčane pomoći za rješavanje socijalnih potreba sačinjava i objavljuje listu lica sa nepotpunom dokumentacijom sa navođenjem dokumentacije koja nedostaje. Lista lica se objavljuje na info-punktu i internet stranici Ministarstva, najmanje jednom kvartalno o čemu se obavještenje objavljuje u jednom dnevnom listu koji se distribuira na području Federacije Bosne i Hercegovine. Obavještenje obavezno sadrži rok od osam dana od dana objavljivanja obavještenja za dopunu dokumentacije. Ukoliko lica sa liste ne dopune dokumentaciju u ostavljenom roku, Komisija za dodjelu jednokratne novčane pomoći za rješavanje socijalnih potreba donosi prvostepenu zbirnu odluku o odbijanju zahtjeva. Protiv ove odluke može se izjaviti žalba ministru u roku od 15 dana od dana objavljivanja obavještenja u jednom dnevnom listu koji se distribuira na području Federacije Bosne i Hercegovine. Rješenje koje ministar donese po žalbi je konačno, a protiv istog se može pokrenuti upravni spor.
- (12) Za lica koja neispunjavaju uvjete za dodjelu jednokratne novčane pomoći u skladu sa Zakonom i ovim pravilnikom Komisija za dodjelu jednokratne novčane pomoći za rješavanje socijalnih potreba donosi prvostepenu zbirnu odluku o odbijanju zahtjeva, sa navođenjem pravnog osnova i razloga za odbijanje istih. Odluka se objavljuje na info-punktu i internet stranici Ministarstva, najmanje jednom kvartalno o čemu se obavještenje objavljuje u jednom

dnevnom listu koji se distribuira na području Federacije Bosne i Hercegovine. Protiv ove odluke može se izjaviti žalba ministru u roku od 15 dana od dana objavljivanja obavještenja u dnevnom listu. Rješenje koje ministar donese po žalbi je konačno, a protiv istog se može pokrenuti upravni spor.

- (13) Za lica koja ispunjavaju uvjete za dodjelu jednokratne novčane pomoći Komisija za dodjelu jednokratne novčane pomoći za rješavanje socijalnih potreba donosi zbirnu odluku, koja se objavljuje na info-punktu i internet stranici Ministarstva, o čemu se obavještenje objavljuje u jednom dnevnom listu koji se distribuira na području Federacije Bosne i Hercegovine. Protiv ove odluke može se izjaviti žalba ministru u roku od osam dana od dana objavljivanja obavještenja u dnevnom listu. Rješenje koje ministar donese po žalbi je konačno, a protiv istog se može pokrenuti upravni spor.

Član 21.

(Obavezna dokumentacija za ostvarivanje jednokratne novčane pomoći za rješavanje socijalnih potreba)

- (1) Obavezna dokumentacija koju dostavlja podnositelj zahtjeva za dodjelu jednokratne novčane pomoći za pomoć teško oboljelim, nabavku lijekova, poplave, požare, potrese, udare groma i ostale prirodne nepogode, nabavku ortopedskih pomagala i neuslovnost stanovanja:
- dokaz da je lice iz člana 1. Zakona ili lice iz člana 3. stav (4) ovog pravilnika (uvjerenje o vremenu provedenom u Oružanim snagama R BiH-obrazac VFMB-3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, a za djecu šhida, poginulih, umrlih i nestalih branioca uvjerenje ili potvrda nadležne općinske službe o statusu djeteta šhida, poginulog, umrlog i nestalog branioca;
 - medicinska dokumentacija za podnosioca zahtjeva ili za člana njegovog porodičnog domaćinstva, a za djecu šhida, poginulih, umrlih i nestalih branioca medicinska dokumentacija samo za podnosioca zahtjeva ne starija od dvije godine od dana podnošenja zahtjeva (otpusno pismo ili nalaz ljekara specijaliste);
 - uvjerenje o kretanju za podnosioca zahtjeva;
 - kućna lista (kada je u pitanju liječenje člana porodičnog domaćinstva neophodno je istu dostaviti zajedno sa trajnim izvodom iz matične knjige rođenih ili vjenčanih za člana porodičnog domaćinstva);
 - uvjerenje da podnositelj zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman);
 - potvrda banke o otvorenom računu.
- (2) Podnositelj zahtjeva ne dostavlja medicinsku dokumentaciju iz stava (1) tačka b) ovog člana kada je riječ o jednokratnoj novčanoj pomoći iz člana 20. stav (3) tač. b) i c) ovog pravilnika. Za slučajeve iz člana 20. stav (3) tačka b) ovog pravilnika podnositelj zahtjeva dostavlja zapisnik ili rješenje

nadležne policijske ili općinske uprave na čijoj teritoriji se nalazi stambeni objekat, a za slučajeve iz člana 20. stav (3) tačka c) ovog pravilnika podnositelj zahtjeva dostavlja nalaz ili rješenje nadležne općinske službe na čijoj teritoriji se nalazi stambeni objekat o neuslovnosti stanovanja u istom.

- (3) Dokazi iz stava (1) ovog člana dostavljaju se u originalu ili kopiji ovjerenj od nadležnog općinskog organa i ne mogu biti stariji od šest mjeseci od dana podnošenja zahtjeva, izuzev medicinske dokumentacije iz stava (1) tačka b) ovog člana koja ne smije biti starija od dvije godine od dana podnošenja zahtjeva i čije kopije nije potrebno ovjeravati kod nadležnog organa. Izuzetak predstavlja i izvod iz matične knjige rođenih ili vjenčanih (trajnog karaktera) koji mora biti u originalu ili kopiji ovjerenj od nadležnog općinskog organa, a koji može biti stariji od šest mjeseci od dana podnošenja zahtjeva.
- (4) Obavezna dokumentacija koju dostavlja podnositelj zahtjeva za dodjelu jednokratne novčane pomoći za zadovoljavanje osnovnih životnih potreba i za grijanje je:
- dokaz da je lice iz člana 1. Zakona (uvjerenje o vremenu provedenom u Oružanim snagama R BiH-obrazac VFMB-3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
 - uvjerenje o kretanju za podnosioca zahtjeva;
 - kućna lista;
 - uvjerenje službe za zapošljavanje ukoliko je podnositelj zahtjeva nezaposlen, kao i za nezaposlene članove njegovog porodičnog domaćinstva (za nezaposlena lica, a mlađa od 65. godina starosti potrebno je dostaviti uvjerenje da je na evidenciji biroa ili uvjerenje Federalnog zavoda za penzijsko i invalidsko osiguranje da jeste ili nije aktivni osiguranik);
 - uvjerenje da podnositelj zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman);
 - potvrda banke o otvorenom računu.
- (5) Dokazi iz stava (4) ovog člana dostavljaju se u originalu ili kopiji ovjerenj od nadležnog općinskog organa i ne mogu biti stariji od šest mjeseci od dana podnošenja zahtjeva.

Član 22.

(Visina jednokratne novčane pomoći za rješavanje socijalnih potreba)

Jednokratna novčana pomoć za rješavanje socijalnih potreba dodjeljuje se prema kriterijima iz člana 20. ovog pravilnika. Izuzetno za vidove pomoći iz člana 20. st. (2) i (3) ovog pravilnika, ukoliko za to postoji posebna potreba, Komisija za dodjelu jednokratne novčane pomoći za rješavanje socijalnih potreba može odobriti i drugi iznos jednokratne novčane pomoći maksimalno do visine deset prosječnih plaća ostvarenih u Kantonu Sarajevo u prethodnoj kalendarskoj godini.

ODJELJAK E - PLAĆANJE TROŠKOVA STANARINE

Član 23.

(Posebni uvjeti i kriteriji za ostvarivanje jednokratne novčane pomoći za plaćanje troškova stanarine)

Kriteriji za ostvarivanje jednokratne novčane pomoći za plaćanje troškova stanarine su:

- a) da podnositelj zahtjeva kao i članovi njegovog porodičnog domaćinstva nemaju na drugi način riješeno stambeno pitanje na području Kantona Sarajevo;
- b) da podnositelj zahtjeva kao i članovi njegovog porodičnog domaćinstva nisu ostvarili pravo na jednokratnu bespovratnu dodjelu sredstava u građevinskom materijalu, bespovratnu dodjelu sredstava udruživanjem za kupovinu stana, novčanu pozajmicu, odnosno subvencioniranje kamata kredita za rješavanje stambenih potreba ili drugu vrstu pomoći za rješavanje stambenih potreba od Ministarstva;
- c) da je ugovor o podstanarstvu ovjeren od strane nadležnog općinskog organa i nadležne poreske uprave;
- d) da ukupni mjesečni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu od 30% od prosječne plaće ostvarene u Kantonu Sarajevo u prethodnoj kalendarskoj godini.

Član 24.

(Visina jednokratne novčane pomoći za plaćanje troškova stanarine)

- (1) Visina odobrenog iznosa plaćanja troškova stanarine utvrđuje se prema broju članova porodičnog domaćinstva i to:
 - a) za podnosioca zahtjeva (samac) - 300,00 KM mjesečno;
 - b) za podnosioca zahtjeva sa jednim članom porodičnog domaćinstva - 350,00 KM mjesečno;
 - c) za podnosioca zahtjeva sa dva ili više članova porodičnog domaćinstva - 400,00 KM mjesečno.
- (2) Jednokratna novčana pomoć za plaćanje troškova stanarine može se podnosiocu zahtjeva odobriti za šest mjeseci, a izuzetno, prema procjeni stanja, u socijalno opravdanim slučajevima u maksimalnom trajanju od 12 mjeseci.

Član 25.

(Obavezna dokumentacija za plaćanje troškova stanarine)

- (1) Obavezna dokumentacija koju dostavlja podnositelj zahtjeva za dodjelu jednokratne novčane pomoći za plaćanje troškova stanarine je:
 - a) dokaz da je lice iz člana 1. Zakona (uvjerenje o vremenu provedenom u Oružanim snagama R BiH-obrazac VFMB-3a/FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
 - b) ugovor o podstanarstvu ovjeren od strane nadležnog općinskog organa i nadležne poreske uprave;
 - c) uvjerenje o kretanju za podnosioca zahtjeva;
 - d) kućna lista;

- e) uvjerenje službe za zapošljavanje ukoliko je podnositelj zahtjeva nezaposlen, kao i za nezaposlene članove njegovog porodičnog domaćinstva;
- f) uvjerenje da podnositelj zahtjeva nema duga po osnovu javnih prihoda (fizičko lice, vlasnik i osnivač ili odgovorna osoba) ili ukoliko ima dugovanja prema poreskoj upravi da ima sklopljen sporazum sa poreskom upravom o izmirenju obaveza sa dokazima o urednom izmirenju obaveza po sporazumu (uplatnica, trajni nalog ili virman);
- g) dokazi o ukupnim mjesečnim prihodima odnosno primanjima podnosioca zahtjeva i članova njegovog porodičnog domaćinstva po osnovu radnog odnosa, boračko-invalidske zaštite, penzije, samostalne djelatnosti i drugih osnova ili dokaze da ne ostvaruju mjesečne prihode odnosno primanja po gore navedenim osnovama;
- h) izjava da podnositelj zahtjeva plaća stanarinu, te da ne posjeduje stambenu jedinicu na području Kantona Sarajevo;
- i) izjava da podnositelj zahtjeva kao i članovi njegovog porodičnog domaćinstva nisu ostvarili pravo na jednokratnu bespovratnu dodjelu sredstava u građevinskom materijalu, bespovratnu dodjelu sredstava udruživanjem za kupovinu stana, novčanu pozajmicu, odnosno subvencioniranje kamata kredita za rješavanje stambenih potreba ili drugu vrstu pomoći za rješavanje stambenih potreba od Ministarstva;
- j) potvrda banke o otvorenom računu.

- (2) Dokazi iz stava (1) ovog člana dostavljaju se u originalu ili kopiji ovjerenom od nadležnog općinskog organa i ne mogu biti stariji od šest mjeseci od dana podnošenja zahtjeva.

ODJELJAK F - POMOĆ OSUMNJIČENIM I OPTUŽENIM BIVŠIM PRIPADNICIMA ORUŽANIH SNAGA R BiH U PREDMETIMA RATNIH ZLOČINA DO PRAVOSNAŽNOSTI PRESUDE, KAO I ČLANOVIMA NJIHOVIH PORODICA

Član 26.

(Uvjeti za pružanje jednokratne novčane pomoći osumnjičenicima i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude, kao i članovima njihovih porodica)

- (1) Jednokratna novčana pomoć u plaćanju troškova u procesu odbrane može se dodjeljivati bivšim pripadnicima Oružanih snaga R BiH, koji su učestvovali u odbrani suvereniteta i cjelovitosti Bosne i Hercegovine, a koji su optuženi u predmetima ratnih zločina do pravosnažnosti presude.
- (2) O jednokratnoj novčanoj pomoći u plaćanju troškova u procesu odbrane odlučuje se nakon podnesenog zahtjeva sa odgovarajućom dokumentacijom.
- (3) Zahtjev za dodjelu jednokratne novčane pomoći u plaćanju troškova u procesu odbrane može podnijeti i član porodice osumnjičenog ili optuženog lica ukoliko je osumnjičeno ili optuženo lice spriječeno da podnese zahtjev, ako se nalazi u pritvoru i sl. U slučaju odobravanja jednokratne novčane pomoći u plaćanju troškova u procesu odbrane, uplata se izvršava na račun člana porodice koji je podnio zahtjev.

Član 27.

(Postupak za ostvarivanje jednokratne novčane pomoći osumnjičenicima i optuženim bivšim pripadnicima Oružanih snaga

- RBiH u predmetima ratnih zločina do pravosnažnosti presude, kao i članovima njihovih porodica)
- (1) Osumnjičeno ili optuženo lice ili član njegove porodice ukoliko je osumnjičeno ili optuženo lice spriječeno, podnosi zahtjev za odobravanje jednokratne novčane pomoći na predviđenom obrascu, uz slijedeću dokumentaciju:
 - a) dokaz da je lice iz člana 1. Zakona (uvjerenje o vremenu provedenom u Oružanim snagama R BiH-obrazac VFMB-3a/FMB-3a, uvjerenje da je korisnik lične invalidnine i uvjerenje da je korisnik prava na mjesečno novčano primanje za dobitnike ratnih priznanja i odlikovanja);
 - b) dokaz o pokretanju istrage, podizanju optužnice ili potvrđivanju optužnice ili drugo (rješenje, relevantni izvod iz optužnice i sl.);
 - c) dokaz o troškovima odbrane ukoliko istim raspolaže (ugovor sa advokatom, punomoć za advokata i sl.);
 - d) prijava mjesta prebivališta odnosno boravišta;
 - e) kućna lista;
 - f) potvrda banke o otvorenom računu.
 - (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva, izuzev dokaza iz tačke b) ovog člana čije kopije nije potrebno ovjeravati.
 - (3) Za potrebe odlučivanja o dodjeli jednokratne pomoći u plaćanju troškova u procesu odbrane, ministar imenuje Komisiju za dodjelu jednokratne pomoći u plaćanju troškova u procesu odbrane, čiji je zadatak da ocjeni da li podnosilac zahtjeva ispunjava uvjete za dodjelu ove vrste pomoći, te da predloži ministru visinu iznosa jednokratne novčane pomoći, uz obrazloženje prijedloga.
 - (4) Komisiju za dodjelu jednokratne pomoći u plaćanju troškova u procesu odbrane broji najmanje tri člana od čega najmanje jedan član mora biti advokat sa iskustvom u istim ili sličnim predmetima, diplomirani pravnik i najmanje jedan član kandidovan ispred "Koordinacionog odbora boračkih organizacija Kantona Sarajevo".
 - (5) Zadatak Komisiju za dodjelu jednokratne pomoći u plaćanju troškova u procesu odbrane je da u skladu sa propisanim kriterijima i procedurama utvrđenim ovim pravilnikom izvrši obradu prispjelih zahtjeva i sačini prijedlog odluke o dodjeli sredstava za pružanje pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude.
 - (6) Komisiju za dodjelu jednokratne pomoći u plaćanju troškova u procesu odbrane donosi poslovnik o radu kojim se uređuje administrativni-tehnički način rada, način odlučivanja i druga pitanja od značaja za rad.
 - (7) Objavljivanje odluka o dodjeli sredstava vrši se na internet stranici Ministarstva.
 - (8) Za lica koja ne ispunjavaju uvjete za dodjelu jednokratne novčane pomoći u plaćanju troškova u procesu odbrane u skladu sa ovim pravilnikom Komisiju za dodjelu jednokratne pomoći u plaćanju troškova u procesu odbrane donosi odluku o odbijanju zahtjeva, sa navođenjem pravnog osnova i razloga za odbijanje istih. Protiv ove odluke može se izjaviti žalba ministru u roku od 15 dana od dana objavljivanja obavještenja u dnevnom listu koji se i distribuira na području Federacije Bosne i Hercegovine. Rješenje koje ministar

doneše po žalbi je konačno, a protiv istog se može pokrenuti upravni spor.

Član 28.

(Lica koja ne mogu ostvariti jednokratnu novčanu pomoć u plaćanju troškova u procesu odbrane)

Pravo na jednokratnu novčanu pomoć u plaćanju troškova u procesu odbrane ne mogu ostvariti lica protiv kojih je donesena pravosnažna presuda za počinjene ratne zločine i lica kod kojih su evidentirane okolnosti iz člana 36. Zakona o pravima branilaca i članova njihovih porodica.

Član 29.

(Visina jednokratne novčane pomoći u plaćanju troškova u procesu odbrane)

Visina jednokratne novčane pomoći u plaćanju troškova u procesu odbrane utvrđuje se na osnovu dostavljenog zahtjeva (obuhvat optužnice, vrsta odgovornosti, zasluga podnosioca zahtjeva, visina troškova i sl.) i ocjene Komisiju za dodjelu jednokratne pomoći u plaćanju troškova u procesu odbrane, a u skladu sa budžetskim sredstvima predviđenim za ovu namjenu.

DIO ČETVRTI - PRIJELAZNE I ZAVRŠNE ODREDBE

Član 30.

(Izvjštavanje)

Ministarstvo informiše Vladu Kantona Sarajevo o sredstvima utrošenim za ovu namjenu u okviru godišnjeg izvještaja o radu Ministarstva.

Član 31.

(Neobjavljivanje odobrenih iznosa)

U odlukama o ispunjavanju uvjeta odnosno o dodjeli sredstava koje se objavljuju na info-punktu i internet stranici Ministarstva za ostvarivanje svih vidova jednokratnih novčanih pomoći iz ovog pravilnika ne objavljuju se odobreni iznosi, radi poštivanja odredbi Zakona o zaštiti ličnih podataka ("Službeni glasnik BiH", broj 12/25).

Član 32.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik za utvrđivanje prava na dodjelu jednokratne novčane pomoći ("Službene novine Kantona Sarajevo", br. 15/25 i 20/25).

Član 33.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-6984/26

16. marta 2026. godine
Sarajevo

Ministar

Dr. sc. **Omer Osmanović**, s. r.

GRAD SARAJEVO

Gradsko vijeće

Na osnovu člana 31. stav (1) tačka s) Statuta Grada Sarajeva ("Službene novine Kantona Sarajevo", broj 7/23) i člana 17. stav (4) Odluke o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", br. 41/22 i 49/22), Gradsko vijeće Grada Sarajeva, na Osmoj sjednici održanoj dana 11.03.2026. godine, donijelo je